

جَزَائِرِ حَاكِمَتِ

جمعه ایرتسی

نومرو	ربع الاول	سنه	حریران	سنه	صفحه
۱۰۸۸	۳	۱۳۱۸	۱۷	۱۳۱۶	۱۵۲۷۵

(اشبو غزنه بهر هفته جمعه ایرتسی کونلری یبقار . منلکی در سعادت ایچونه مجبیه بکرمی غروسه)
 (مسایله التمه غروسه . طره لر ایچونه اوده بسه غروسه یوسه اصرتی ضم اولنور . بهر)
 (نسخه سی یه مجبیه بکرمی غروسه اولور اوزره یوزیاره هریده صایلور . درج اولنه صوه اعلانانک)
 (هر بنده بر مجبیه اخذ اولنور . منلکه مشتری اولور استیاندلر عدلیه نظارتی دأره منده لائنه جبریده)
 (محاکم اداره منه مراجعت ایلعلیر .)

قسم غیر رسمی

باش مدعی عمو میلک مأموریت علیه سنک
 تبلیغنامه سی ایله برلشدیرلرک محکمه تمیز استدعا
 دأره سنه تودیع اولغله قرائت و مطالعه اولندی

اوراق مذکوره مأللرینه نظراً کلیس
 قضاسنک طیب قریه سی اهالیسندن حسن اوغلی
 احمدک قتلیله اسبنک غصبی ماده سندن طولای
 مظنون علیه اولان کرد محمود حقنده تحقیقاتک
 اجراسی وظیفه و صلاحیتلری داخلنده اولمدیغنه
 دأر ذکر اولنان مستنطقلرک هر بری طرفندن

حلب ولایتی داخلنده کلیس قضاسی مستنطق
 ایله سیواس ولایتنه مربوط عزیزیه قضاسی
 مستنطق طرفندن ویریلان قرارنامه لرک یکدیگرینه
 مابین اولسندن طولای تعیین مرجع دعوی
 طلبنی متضمن سیواس ولایتی استیناف محکمه سی
 مدعی عمو میلکی جانبندن ۱۰ کانون ثانی سنه
 ۳۱۳ تاریخی تحریراتله ارسال اولنان اوراق

ویریلان قرارنامه لرده کی میاینتک حلی محکمه
تمیزه عائد بولندیغندن بحثله مقتضای قانونیسنک
ایفاسی بیان و اشعار و مارالذکر تبلیغنامه ده دخی
مظنون مرقومک اعظم جرمی اولان قتل
و غصب فعللرینک وقوع بولدیغی محاکم منسوب
اولدیغی مستنطق و محکمه جه اجرای تحقیقات
و محاکمه ایله دیگر جرمینک توحیددی موافق
قانون اولغله اولوجهله تعیین مرجع اولغلق لازم
کله جکی ازابار اولغشدر

ایجابی لدی المذاکره مظنون مرقومک
عزیزیه قضاسنده داری دره قریه سنده مسکون
اولدیغی سولیسنه واوراجه دردست ایدیلوب
تحقیقات استنطاقیه مباشرت اولغش اولدیغی
کبی ثبوت جرمه مدار اولان اسبک و مدعی
شخصینک دخی عزیزیه ده بولغش اولسینه نظراً
تحقیقات لازمه نیک اجرا واکالی عزیزیه مستنطقه
عائد اوله جغندن بوبابده کی عزیزیه مستنطق
قرارنامه سنک نقضیه تحقیقات استنطاقیه سنک
مستنطق مذکوره عایدینه ۱۵ مارت سنه ۳۱۶
تاریخنده متفقاً قرار ویرلدی .

اعلام مذکورک خلاصه مآلی مرقوم
یورکی پادوبلو ایله مذکور طورسینا مناسرتی
وکیلی ارخاندریت غوریل افندی منازع فیه
اولان برباب خاننک تخلیه سنه دأر درسعادت
بدایت محکمه سی برنجی حقوق دأره سندن
ویریلان اعلام حکمه مرقوم یورکی پادوبلو عدم
قناغله استیناف دعوی ایلش ایسه ده یوم معینه
وقوع بولان دعوتیه اجابت ایتماش اولدیغندن
اصول محاکمه حقوقیه قانوننک یوز سکسان
سکزیجی ماده سی حکمه توفیقاً مستأنف مرقوم
یورکی پادوبلونک اولبابده کی استیناف استدعاسنک
ابطالیه موقتاً حق محاکمه سنک سقوطنه حکمدن

و مستدعی تمیز یورکی پادوبلونک اشبوحکم علیهنده
لایحه سنده محرر اعتراضاتنک خلاصه سی مازبوله
قادرین طرفندن مناسرتی مذکوره وقف ایدلیدی
بیان اولسان خانه کندوسنک تحت تصرفده
اولان منازع فیه بولان خانه اولیوب بشقه
برخانه اولدیغی و حجت شرعیه ده کوستریلان
حدوده توافقی ایدوب ایتمدیکی تدقیق قلمنق
ودفتر خاقانیدن استعلام کیفیت ایدلک لازم کلور
ایکن محکمه جه بوبولده تدقیقات عمیقه اجرا
ایدلکسزین بروجه محرر قرار ویرلسی یولسز
ومغایر قانون اولدیغندن بحثله اعلام مذکورک
نقضی استدعاسندن و مومی الیه غوریل افندی
لایحه سنده مندرج نتیجه جوابی ایسه اعتراضات
مسروده نیک واهی و بی اساس اولدیغی بیانیله
ردی و موافق اصول و قانون اولان اعلامک
تصدیقی طلبندن عبارت بولغشدر

ایجابی مذاکره اولندقدیه اعلام مذکور
مطالعاسندن منفهم اولدیغی اوزره دعوی واقعه
مناسرتی علیهنه اقامه ایدلش اولسینه نظر آتشکیلات
محاکم قانوننک ماده مخصوصه سی موجبیه انشای
محاکمه ده مدعی عمومینک حاضر بولندیریلهرق
مطالعاسنک النمی اقتضا ایدر ایکن مأمور
مومی الیهک حاضر بولندیرلمسزین امر محاکمه نیک

اجرا قلمنی یولسز و مغایر قانون اولدیغندن
اصول محاکمه حقوقیه قانوننک ایکوز قرق برنجی
ماده سی موجبیه اعلام مذکورک نقضیه قانون
مذکورک ایکوز قرق دردیجی ماده سی حکمه
توفیقاً کیفیت صورت محرره دأره سنده یکیدن
بالرؤیه اعلامه ربطی ضمنتیه محکمه مذکوره یه
اعاده سنه وزیرده مفرداتی مرقم اوچوز طقسان
سکزیجی غروش مصارف تمیزیه نیک ایلروده
حقسز چیتیه جق طرفه رجوع ایتمک اوزره
اول امرده مستدعی مرقوم پادوبلونک النسنه
۱۷ تموز سنه ۳۱۵ تاریخنده متفقاً قرار ویرلدی .

درسعادتیه کدک پاشا جوارنده برحق قیوده
ملکیه تقاعد صندیغی محاسبه جیبی سعادتلو
محمد امین افندی حضرت تلیرنک خانه سنده ساکن
عربکیلی کده لج اوغلی شا کر اغا ایله عربکیرک
خرکات قریه سی اهاالیسندن قوج اوغلی علی
ویوسف و قبر اغالر بیننده متحدث دعوایه دأر
مهموره العزیز استیناف محکمه سندن ۲۵ شباط

سنه ۳۱۴ تاريخي ويز قرق ايكي عددی ايله صادر اولان اعلام مرقوم شاكر اغا طرفندن تمیز اولمغله اعلام مذکور طرفینك اعتراض وجواب لایحه لریله بالمطالعه تدقیقات تمیزیه اجراسنه ابتدار اولندی

اعلام مذکورك خلاصه مالی مزبور شاكر اغا ايله مرقومون علی ویوسف وقبر اغالر بیننده متکون اراضی دعواسنه دأر بدایه صادر اولان اعلام علیهنده مرقومون علی ویوسف وقبر اغالر استیناف دعواسی اقامه ایتمش ایسه ده تعین قلنان کونده مزبور شاكر اغانك عدم اجابی اوزرینه وکیل مسخر حضوریله جریان ایدن محاکمه و تدقیقانه مستأنفون مرقومون وکیل طرفندن ابراز اولنان قوچان مندرجاته نظراً مدعابه اراضی مستأنف علیک پدری متوفی عبدالعزیز حال حیاتنده مستأنفوردن الدینی طقوز بیک کسور غروش دینك تأمین استیفاسی ضمننده ترهین ایش اولدینی اکلانلشنه و مبلغ مزبورك راهن طرفندن مرتهنله تأدیه قلندیغنی اثبات ایدر دلائل موجود اولماسنه واعلام ابتدائیه دخی بوجهت حقننده برشی دیشلامش اولسنه نظراً مبلغ مذکورك الان راهنك ذمتنده اولدیغه قاعت حاصل اولدینی

کبی اراضی مذکورك صاتون الندیغنه دأرده احتیاجه صالح برکونه اوراق ابراز اولنه مامسنه بناء مجله نك یدیموز قرق یدنجی ماده سی موجبجه مستأنفوردن بدل رهن نامیله النان طقوز بیک کسور غروشک حین تأدیه سنه دکن مذکور اراضی به مزبور شاكر اغانك واقع اولان مداخله سنك منعه دأر ویریلان اعلام غیابی علیهنده مستأنف علیه شاكر اغا طرفندن اعتراض علی الحکم استدعاسی اعطا قلنسی اوزرینه وجاهاً جریان ایدن محاکمه و تدقیقات استینافیه نتیجه سنده معترض وکیل محمد افندی طرفندن ابراز اولنان وکالتنامه نك تاریخندن سکر سنه اول تنظیم اولدینی اکلانلش و مزبور شاكر اغانك وکیل مومی الیهی عزل ایدوب ایتدیکی بیلنه مامش اولدیغندن وکیل مرقومك یکیدن بر وکالتنامه ابرازینه ویکیدن بروکیل تعین ایدوب محکمه به کوندرمك اوزره مؤکل شاكر اغایه باتدکره معلومات اعطاسنه دأر ویریلان قرار اوزرینه مومی الیه محمدافندی دیگر برقطعه وکالتنامه ابراز ایتمش ایسه ده اخیراً اکل محاکمه ایچون تعین قلنان کونده محکمه به کلدیکندن معترض علیهم وکیل سرکس افندی نك طلبی وجهله اصول محاکمه حقوقیه قانونك یوز الی طقوزنجی ماده سی حکمنه توفیقاً معترض

مرقومك اولبابده کی اعتراض استدعاسنك ردینه حکمدن ومستدعی تمیزك اشبو اعلام علیهنده لایحه سنده محرر باشلوجه اعتراض وکیل مومی الیه محمدافندی باسندرسی توکیل ایدلش مومی الیهک محکمه به عزلی تحقیق ایتامش اولدینی حالده استیناف محکمه سجه قانونه مغایر اوله رق عزلی جهتنك اختیاریله دیگر بر وکالتنامه طلب ایدلسی و بونك ایچون کندوسنه تذکره تحریرینه قرار ویرلدیکی حالده جوابنه انتظار ایتمکسزین معامله غیابه اجرا ایدلسی و وکیل مومی الیه شباطک یکر مچی کونه دعوت اولدینی حالده یکر می ایکنجی کونی معامله غیابه ایفا ایدلسی یولسز و مغایر قانون اولدیغندن اصول محاکمه حقوقیه قانونك ایکوز قرق برنجی ماده سی موجبجه اعلام مذکورك نقضه و قانون مزبورك ایکوز قرق دردیجی ماده سی حکمنه توفیقاً کیفیشک بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم بشیوز التمش درت بحق غروش مصارف تمیزیه نك ایلروده حقسز چقه جبق طرفه عائد اولق اوزره اول امرده مستدعی تمیزدن الخمسنه ۱۷ تموز سنه ۳۱۵ تاریخنده متفقاً قرار ویرلدی .

بغدادك قریه باشی محله سنده مقیم تجارتدن
 زیبق زاده عزتلو ابراهیم چلبی افندی ایله محله
 مذکورده ساکن کتبه دن رزون شکری افندی
 بیننده متکون دعوایه دائر در سعادت استیناف
 محکمه سی تجارت قسندن ۹ ایلول سنه ۳۱۴
 تاریخی والتش اوج عددی ایله ویریلان اعلام
 مومی الیه ابراهیم افندی طرفدن تمیز ایدلکه
 اعلام مذکور طرفینک اعتراض وجواب
 لایحه لر ایله بالمطالعہ تدقیقات تمیزیه اجرا سنه ابتداء
 اولندی

اعلام مذکورک خلاصه مالی مومی الیه
 شکری افندی طرفدن بغداد تجارت محکمه سنه
 ویریلان عرض خالده مومی الیه ابراهیم چلبی افندی
 ایله اولجه تجارت محکمه سنده رؤیت اولسان
 شرکت دعوا سنک اجرا قلنان محاکمه سی اثنا سنده
 طرفدن ابراز اولسان و مومی الیه ایله رققاسی
 بیننده معقود شرکتی مبین بولنان سند پولسز
 اولدینی جهته کندوسندن یوز یکریمی انکلیز
 لیراسی جزای نقدی اخذینه قرار ویرلش و مبلغ
 مذکور اجرا مأموری واسطه سیله کندوسندن
 تحصیل اولمش اولد یغندن بحال مبلغ
 مذکورک کفالت متسلله موجبیه اصحاب

امضادن مومی الیه ابراهیم چلبی افندین تحصیل
 طلب ودعوی اولسنه قارشو مومی الیه ابراهیم
 چلبی افندی وکیل دخی مذکور سندک حین
 تنظیمده جاری اولان تمغا نظامنامه سنک یکر منجی
 ماده سی موجبیه بمقوله سندات کیمک یدنده
 بولنور ایسه انک مسؤل اوله جنی درکار
 ومدعینک جدید نظامنامه استناداً اقامه ایدلکی
 دعوانک مردودیتی بدینی واشکار اولدیتی بیان
 ایتسی جهتیه جریان ایدن محاکمه و تدقیقات
 نتیجه سنده بر قانونک ماقبله شمولی اوله میه جفندن
 مدعینک رد اداسنه دائر صادر اولان اعلامک
 در سعادت استیناف محکمه سی تجارت قسمنجه
 بالتدقیق مستأنف مومی الیه شکری افندینک
 جزای نقدی ایله محکومیتی مستلزم اولان ورقه
 مذکور جدید تمغا نظامنامه سنک تاریخ نشرندن
 صکره اقامه اولنان دعوانک رؤیتی اثنا سنده
 ابراز واستعمال اولمش ومذکور جزای نقدی
 دخی قانون مذکور حکمنه توفیقاً تحت قراره
 الشمس اولسنه مبنی ورقه مذکورک حین
 ابرازنده مرعی اولان قانون مذکور احکامنه
 توفیق معامله ایدلسی لازم کلور ایکن برمنوال
 محرر مدعینک رد اداسنه قرار ویرلسی مغایر
 قانون اولد یغندن ناشی اعلام مستأنف هک فسخیه

مکرار جریان ایدن محاکمه و تدقیقات استینافیه
 نتیجه سنده مدعا یوز یکریمی انکلیز لیراسنک
 مومی الیه ابراهیم چلبی افندین تحصیلده حکمدن
 ومستدعی تمیز ابراهیم چلبی افندینک اشو حکم
 علینده لایحه سنده محرر اعتراضاتک باشلوجسی
 بر قانون ویا نظامک ماقبله شمولی اوله میه جنی
 درکار ایکن محکمه استینافیه جه بوجهتک نظر
 رفته النامه سی مغایر قانون اولد یغندن بحال
 اعلامک نقضی ولایحه جوابیه مؤداسی دخی
 اعتراض مذکورک غیروارد اولدینی بیانلهردی
 واعلام مذکورک تصدیقی استدعاسندن عبارتدر
 ایجابی مذاکره اولدوقده اعلام مذکور
 مندرجاتندن منقهم اولدینی اوزره مبرز سند
 اسکی تمغا نظامنامه سنک مرعی اولدینی برزمانده
 تعاطی ایدلکی و نظامنامه مذکور موجبیه
 تحصیل اوله جق جزای نقدی حامل سنده عائد
 بولدینی حالده محکمه استینافیه جه جدید تمغا
 نظامنامه سی حکمنک ماقبله تمیلیه نظامنامه
 جدید توفیق حکم قانونه مغایر ومستدعی تمیزک
 اعتراضی وارد وموافق نفس الامر اولد یغنه بناء
 اصول محاکمه حقوقیه قانوننک ایکوز اوتوز
 ایکجی ماده سی موجبیه اعلام مذکورک نقصنه
 وقانون مذکورک ایکسوز قرق بشنبی ماده سی

حکمنه توفیقاً کیفیتک اعلامه ربطی ضمیمه قسم
 مذکورده اعاده سنه وزیرده مفرداتی محرر اوچوز
 طقسان اوج بچق غروش مصارف تمیزیه نک
 ایلروده حقسنر حقیقه جق طرفه رجوع ایتک
 اوزره اول امرده مستدعی تمیز ابراهیم چلبی
 افندینک النسنه ۱۰ حیران سنه ۳۱۵ تاریخده
 متفقاً قرار ویرلدی

مرسینده مقیم تجارتدن قره یوسف اوغلی
 یوسف قاک ایله اداره مخصوصه بیننده محدث
 دعوایه دائر اطنه ولایتی استیناف محکمه سندن
 ۲۱ تشرین اول سنه ۳۱۴ تاریخی واون ایکی
 عددی ایله ویریلان اعلام مرقوم یوسف قاک
 جانبندن تمیز اولمغله باش مدعی عمومیک مأموریت
 علیه سنک مطالعه نامه سی التقدین صکره اعلام
 مذکور طرفینک اعتراض وجواب لایحه لر ایله
 بالمطالعہ تدقیقات تمیزیه اجرا سنه ابتداء اولندی

اعلام مذکورک خلاصه مالی اداره مذکورده

وکیل مرسین بدایت محکمه سنه مراجعتله مرسین
اجتنه سابق میخایل افدینک مدت مأموریتی
انساننده ذمته چکورهش اولدینی تحقق ایدن
مبالغه اخیراً وفات ایدن کفیلردن جبراسرسق
افدینک ورثه سیله دیگر کفلاسی یوسفای
وحاجی حسین آغا و انداروس کیه نام کسسه لردن
تحصیلنه دائر استحصالی ایلدیکه اعلام علیه
کفیلردن مرقوم یوسفای ایله رفقای طرفلردن
اقامه اولنان استیناف دعواسی اوزرینه اعلام
مستأنف بهک بعض اسباب قانونیه دن طولای
فسخندن صکره جریان ایدن محاکمه و تدقیقات
استینافیه نتیجه سنده اولبابده کی کفالت سندینک
مفرد صیغه سیله تحریر اولمش اولسنه و مرقوم
یوسفای کینک املاک قیدینک ۲۹ تشرین ثانی
سنه ۳۱۴ تاریخنده وحاجی حسین آغا ایله
انداروس کیه نک املاکلرینک دخی ۵ کانون اول
۳۱۱ تاریخنده اخراج ایلمش بولمسنه نظراً
کفلاسی مرقومه نک هر برلری بشقه بشقه کفیل
اولدقلری اکلالمسنه بناء مزبور یوسفای
وحسین آغا و انداروس کیه نک هر بری زمان
کفالتلرینه عائد ذمتدن طولای بحسب الکفاله
مسؤل اوله جقلردن مومی الیه میخایل افدینک
ذمتی اولدینی تحقق ایدن اوتوز بدینک اوچوز

قرق بر غروشک یوسفای افدی ایله دیگر
کفیللردن تحصیلنه حکمدن و مستدعی تمیز
یوسفای کینک اشبو حکم علیه لایحه سنده محرر
باشلوجه اعتراضی کفالت مذکور نک صورت
تصدیقته نظراً کفالت نک ذمت مذکورده دن
حصه لری نسبتده مسؤلیتی احکام مجله اقتضاسندن
اولدینی کی کفالت واقع نک کفالت سندینک
مقاولات محرر لکنجه تاریخ تصدیقندن اعتبار
ایلمسی لازم کلور ایکن بوجهتلرک نظر دقته
التمامی مغایر قانون اولدیغندن بحکله اعلامک
تقاضی و لایحه جوابیه مؤداسی دخی اعتراضات
مذکورده واهی و بی اساس ایدوکی بیانیه ردی و اعلام
مذکورک تصدیقی استدعاسندن و سالف الذکر
مطالعانه مآلی دخی تدقیقات استینافیه اوزرینه
ویریلان قرار مصیب کورندیکندن اولبابده لایحه
تمیزیه درمیان اولنان اعتراضاتک موافق قانون
کوریه مدیکی بیاندن عبارت بولمشدر

ایجابی لدی المذاکره اعلام مذکور
مندرجاتندن منفهم اولدینی اوزره کفیللرک
کفالتی مشترک اولسی جهتیه هر بری حصه سی
مقدار یله مسؤل اوله جفی احکام قانونیه اقتضاسندن
ایکن مجموع دینک مرقوم یوسفای کینک تحصیلنه
حکم اولمشی مخالف قانون اولدینی کی مرقوم

یوسفای کینک کفالتک جریانی مقاولات محرر لکنک
تصدیقی تاریخندن معتبر اولدینی حالده کفالت
سندینک تاریخ تنظیمندن اعتباراً محکوم ایلمسی
قانونه مغایر و مستدعینک اعتراضاتی وارد
و موافق نفس الامر اولدیغنه بناء اصول محاکمه
حقوقیه قانوننک اکیوز اوتوز ایلکنجی ماده سی
موجبجه اعلام مذکورک تفضیل قانون مزبورک
ایکیوز قرق دردنجی ماده سی حکمه توقیفاً
کیفیتک بالرؤیه اعلامه ربطی ضمننده محکمه
مذکورده اعاده سنه وزیرده مفرداتی مرقم
اوچوز طقسان اوچ بحق غروش مصارف
تمیزیه نک ایلروده حقسر چقه جق طرفه رجوع
ایتمک اوزره اول امرده مرقوم یوسفای کینک
اخذینه ۱ تموز سنه ۳۱۵ تاریخنده متفقاً قرار
ویرلدی .

اعلام مذکورک خلاصه مآلی مرقوم
یوسفای حریری طرفندن بیروت بدایت محکمه سنه
ویریلان عرضخالده خصمی مزبور بطرسک انشا
ایستدیردیکه ابنیه صرف ایدلک اوزره امر یله
اوغلی یوسف و خلیل نام کسسه لره ویرمش
اولدینی کراسته و تیمور و سائر اتمانندن متباقی
اله جفی اولان بیک التیوز ایکی غروش اون
پارده نک مزبور بطرسدن تحصیلنی طلب و دعوی
و مرقومان یوسف و خلیلک اشیای مذکورده
مزبور بطرسک امر یله الدقلرینی شهود شخصیه
ایلله اثبات ایدمککنی بیان و انبا ایتسنه قارشو
مدعی علیه مزبور بطرس دخی بوبابده کی امرینی
انکار و مبلغ مدعاهک بشیک غروشندن زیاده
اولسنه کوره بوبابده شهود شخصیه اقامه سی
غیر جائز بولدیغنی مدافعه بیان و تذکار ایتسی
جهتیه دعوی واقع نک سنداً اثباتی لزومی
قرار کیر اولدقلدن صکره جریان ایدن محاکمه

بیرونده مقیم کراسته تجارندن یوسف
حریری ایله اصحاب املاکدن بطرس منصورتیان
بیننده متکون دعویاه دائر بیروت بدایت محکمه سندن

وتدقیقات نتیجه‌سند مدعی مرقوم یوسف
حریری اثبات مدعان اظهار عجز ایلدیک کی
طالب تحلیف دخی اولدیغه بناءً بحاله نك بیک
سکیز یوز اون طقوزنجی ماده‌سی موجب
مدعی مرقومک مزبور بطرسه وقوعبولان
معارضه سنک منعه حکمدن ومستدعی تمیز
یوسف حریرینک اشبو حکم علیهنده لایحه‌سند
محرر اعتراضاتک باشلوجه‌سی مبلغ مدعایه بیع
ایدیلان کراسته اتمانندن متولد بولمسنه نظراً
دعوی واقع نك شهود شخصیه ایله اثباتی لازم کلور
ایکن سنداً اثباته قرار ویرایی مغایر قانون
اولدیغندن بحثله اعلام مذکورک نقضی استدعاسندن
عبارتدر

ایجابی مذاکره اولندقد اعلام مذکور
مآلندن مستبان اولدینی اوزره منازع فیه
کراسته نك مزبور بطرس ایچون آدلری خلیل
ویوسفه ویرلدیکی ادعا اولمقد اولمسنه نظراً
مرقومانک دخی شخص ثالث صفتیه داخل دعوی
ایدیلرک مذکور کراسته لری المشلر میدر
والمشلر ایسه مرقوم بطرس طرفندن رسالت
ویا خود وکالت صورتیه می المشلردر یوقسه
کندی نفسلری ایچونمی محکمه‌جه اول امرده
بورالری نك تدقیقه تبین ایده‌جاک حاله کوره

حکم ویرلک وبومقوله جسته جسته وقوعبولان
معاملات بیع وشراده شهود شخصیه استماعی جائز
اولغله ایجابنده شهود شخصیه استماع ایتمک لازم
کلورایکن بویولده اجرای معامله ایدلمکسزین حکم
اولمسی قانونه مغایر ومستدعینک اعتراضیده
وارد وموافق نفس الامر اولدیغه بناءً اصول
محاکمه حقوقیه قانوننک ایکوز اوتوز ایکنجی
وایکوز قرق برنجی ماده‌لری موجبجه اعلام
مذکورک نقضه وقانون مذکورک ایکوز قرق
دردنجی ماده‌سی حکمنه توفیقاً کیفیتک بروجیه
مشروح اعلامه ربطی ضمنده محکمه مذکوره‌یه
اعاده‌سنه وزیرده مفرداتی مرقم درتیوز اوچ
بجق غروش مصارف تمیزیه نك ایلروده حقسز
چیه‌جق طرفه رجوع ایتمک اوزره اول امرده
مستدعی تمیز مرقوم یوسفدن اخذینه ۲۷ شباط
سنه ۳۱۴ تاریخنده متفقاً قرار ویدی .

قونییه تابع اروق قریه‌سندن یوز باشی
زاده محمدافندی وقر اوغلی حاجی عثمان وموسی

ایله زراعت بانکه‌سی پیتنده متحدت دعویاه دار
قونییه بدایت محکمه‌سندن ۲۴ کانون اول سنه ۳۱۰
تاریخی وطقسان سکیز عددی ایلله صادر اولان
اعلام مرقومون محمدافندی ورفقاسی طرفلرندن
تمیز ایدلمکله باش مدعی عمومیلک مأموریت
علیه سنک مطالعه نامه‌سی التقدن صکره اعلام
مذکور مستدعیرک لایحه اعتراضیه سیله بالمطالعه
تدقیقات تمیزیه اجراسنه ابتدار اولندی

اعلام مذکورک خلاصه مآلی مذکور
بانقه نك شعبه مأموری حسین حامد افندی قریه
مذکوره اهاالیسندن یوز باشی زاده محمد وامام
محمد افندیلرله مختار اول موسی ومختارثانی قر
اوغلی حاجی عثمان وحاجی ولی وحاجی مولودک
ملغا اسبکشان منافع صندیغندن مدور برقطعه
سند موجبجه زراعت بانکه‌سنه دینلری بولنان
اون ایکینیک اوچوز سکسان ایکی غروشک
مرقوموندن تحصیلی قونییه بدایت محکمه‌سنه
بالمرامه طلب ودعوی وبرقطعه سند ابراز
واعطا ایتمسنه وپوم معینه مدعی تلپلردن محمد
ومحمد افندیلرله حاجی عثمان بالورود و دیگرلری
دعوت واقعیه اجابت ایتماملرینه مبنی مدعی
موسی الیه غآبلردن حاجی ولی ومولوده حق

مراجعتی باقی قالمق اوزره دیگر موسانک
غیایبده اجرای محاکمه اولمسنی طلب وادعا
ایتمی اوزرینه تعیین قلنان وکیل مسخر مواجیه‌سند
مدعی علیلردن حاضر بولنان موسی الیهما محمود
ومحمد افندیلرله حاجی عثمان دین مذکوردن
کندولری نك قطعاً معلوماتلری اولدیغنی وسند
مذکوره موضوع مهر قریه هیئت اختیاریه‌سنه
مخصوص اولوب بومثالو مدانیات شخصیه‌ده
استمالی غیر جائز بولندیغنی ته کار ووکیل
مسخر دخی بومرکزده اداره کفتار ایلمسیله اجرا
قلنان محاکمه وتدقیقات نتیجه‌سند مبلغ مذکور
اهالی قریه نامه اخذواستقراض اولدینی مبرز
سند مندرجاتی ومهر موضوعک قریه به مخصوص
اولدینی حاضر بولنان مدعی علیلرک اقرار
واعترافی وسندک یوزباشی زاده محمد افندی ایلله
قر اوغلی حاجی عثمان ومختار موسی طرفلرندن
اعطا قلندیغنی استماع قلنان شهودک صورت
شهاداتی ومنافع صندوغنی دفتری مندرجاتیه
ثابت اولدیغندن مبلغ مذکورک موسی الیه محمد
افندی ایلله حاجی عثمان وموسادن تحصیلنه ومحمود
افندی ایلله حاجی ولی علیهنه اقامه اولنان دعوی
بروعد مجرده مستند اولدینی جهتله انک دخی
ردینه حکمدن ومستدعی تمیز مرقومون محمد

افندی ورفقاسنك اشبو حكم عليهنده لايحه لرنده
مندرج اعتراضلرينك باشلوجه سي دعواي واقعه
زراعت باقسه سنه متعلق اولديني حالده انشاي
محاكمه مدعي عمومينك حاضر بولنديرلامسي
مغاير قانون اولديغندن بمحله اعلام مذكورك
نقضي استدعاسندن وسالف الذكر مطالعه نامه
مالي دخي تشكيلات محاكم قانونك التمش بشيبي
ماده سي نصريحانه نظراً دعواي واقعه مدعي
عمومينك مداخله سي مستلزم مواددن اولديني
حالده انشاي محاكمه مدعي عموم مومي اليك
بولنديرلامش اولديغندن بمحله لايحه درميان
اولنان اعتراضك بحا كورلديكي بيانندن عبارت
بولمشدر

ايجابي لذي المذاكره اعلام مذكور

مطالعاسندن منفيهم اولديني اوزره دعواي واقعه
منافع عاميه متعلق اولسنه نظراً تشكيلات محاكم
قانونك التمش بشيبي ماده سي موجب انشاي
محاكمه مدعي عمومينك حضوريله مطالعه سنك
استماعي لازم كلوركن محكمه جبه مأمور مومي اليه
حاضر بولنديرلمقسنزين امر محاكمه نك اجرا
قلمسي مغاير اصول وقانون بولنديغنه وسالف الذكر
مطالعاه نامه مؤداسيله مستدعيلرك اعتراضاتي
بوجهته متدار و موافق نفس الامر ايدوكنه بناءً

اصول محاكمه حقوقيه قانونك ايكوز اوتوز
ايكنجي ماده سي موجب اعلام مذكورك نقضيه
قانون مذكورك ايكوز قرق درديجي ماده سي
حكمه توفيقاً كيفيتك قانون داره سنده مأمور
مومي اليك حضورنده يكي دن بالرؤيه اعلامه
ربطى ضمنده محكمه مذكوره اعاده سنه وزيرده
مفرداتي مرقم اوچيوز طقسان اوچ بمحق غروش
مصارف تميزيه نك ايلروده حقسنر چيقه جق
طرفه عايداولق اوزره اول امرده مستدعيلردن
السنه ۱ كانون ثاني سنه ۳۱۳ تاريخنده متفقاً
قرار ويرلدي .

حلب ولايتي ديون عموميه اداره سي ايله
ماليه خزينه جليله سي وحلبك بحيتا محله سنده
مقيم ملتزميندن الياهو شوعه ستون بيلرنده
متكون دعوايه دائر حلب استيناف محكمه سندن
۱ حزيران سنه ۳۱۴ تاريخي واون سكر عددي
ايله ويريلان اعلام اداره مذكوره طرفندن
تميز ايدلمش ومدعي عليهمادن الياهو شوعه

طرفندن جواب لايحه سي ويرلامش اولديغنه بناءً باش
مدعي عموميك مأموريت عليه سنك مطالعه نامه سي
الهرق اعلام مذكور اداره مذكوره نك اعتراض
وخزينة مشار اليه نك جواب لايحه لريله بالمطالع
تدقيقات تميزيه اجراسنه ابتدار اولندي

اعلام مذكورك خلاصه مالي مزبور
الياهوشوعه نك ذمت ميريه سندن طولايي قبول
ملحه سنده موجود بريغن طوزي خزينة
مشار اليه نك ويريلان امر اوزرته فروخت
واثماني ذمت مذكوره محسوب ايدلسندن طولايي
اداره مذكوره وكيلى حلب بدايت محكمه سنه
مراجعتله مذكور طوزك محافظه مصارف ناميله
اوتوز بريك سكر يوز التمش غروشك خزينة
مشار اليه ايله الياهو نك تحصيلي طلب ودعوى
ايتمش ايسده مذكور طوزك محافظه سي ايچون
اداره مذكوره جبه اختيار اولنان مصارف حقنده
بركونا قيد رسمي ابراز اولنه مامش اولديني كي
مفرداتي بيان اولنه مامسنه مبني اداره مذكوره
وكيلى ايلروده قيود رسمي ودلائل مقنعه دسترس
اولديغنده مصارف مذكوره بي دعوى ايله بيلك
اوزره معارضه دن منعه دائر محكمه مذكوره دن
صادر اولان اعلام عليهنده اداره مذكوره وكيلى

طرفندن استيناف دعوايه قيام اولنش ايسده
درميان ايدليكي اعتراضات غير وارد كورلديكنه
بناءً رديله اعلام مستأنف بهك تصديقه حكمدن
ومستدعي تميز اداره مذكوره وكيلىك اشبو
حكم عليهنده لايحه سنده محرر اعتراضاتك
باشلوجه سي عند الاستيناف درميان اولنان
اعتراضاتك تدقيقي شايان قبول كورلمديكي حالده
اسباب موجب اراه سيله رد موقضي ايكن محكمه
استينافيه جبه اعتراضات مذكوره تدقيق ايدلمكسنزين
واسباب موجب كوسترلمكسنزين رد ايدلمسي مغاير
قانون اولديغندن بمحله اعلامك نقضي وخزينة
مشار اليه طرفندن ويريلان لايحه جوابيه
مؤداسي دخي اعتراض مذكور غير وارد اولديني
بيانيله رد و اصول وقانونه موافق اولان اعلام
مذكورك تصديقي استدعاسندن وسالف الذكر
مطالعاه نامه مالي دخي لايحه تميزيه درميان
اولنان اعتراضاتك غير وارد اولديني بيانندن
عبارت بولمشدر

ايجابي مذاكره اولندقدده اعلام مذكور
مندرجاتندن منفيهم اولديني اوزره محكمه
استينافيه جبه مستأنف اداره مذكوره طرفندن
درميان اولنان اعتراضات يكان يكان تدقيق
ايديله رك تبين ايدجك حاله كوره صورت

قطعه ده حکم ایدلک مقتضیات احکام قانونیه دن اولدینی حالده محکمه مذکوره جه بویولده اجرای معامله ایدلکسزین ایلروده مفردات و قیود رسمیه و دلائل مقنعه دسترس اولدیغنده مصارفی ادعا ایدیلک اوزره اداره مذکوره نك شمذیلک اداسنك ردینه دأر اولان قرار استاینك تصدیق ایدلسی قانونه مغایر و مستدعی تمیز اداره مذکوره وکیلک اعتراضی وارد و موافق نفس الامر اولدیغنه بناء اصول محاکمه حقوقیه قانونك ایکوزاوتوز ایکنجی و ایکوز قرق برنجی ماده لری موجبجه اعلام مذکورك نقضه و ایکوز قرق دردنچی ماده سی حکمنه توفیقاً کیفیتك اعلامه ربطی ضمنده محکمه مذکوره به اعاده سنه وزیرده مفرداتی محور درتیوز بکرمی اوچ بچق غروش مصارف تمیزیه نك ایلروده حقسز حقه حق طرفه رجوع ایتك اوزره اول امرده مستدعی تمیز اداره مذکوره دن الخسنه ۸ تشرین اول سنه ۳۱۴ تاریخده متفقاً قرار ویرلدی .

کنغری به تابع توخت ناحیه سنك اشاغی بادیکن قریه سنده ساکنه ملاق اوغلی حسن زوجہ سی کذب خانون ایلہ ناحیه مذکوره نك یوقاری بادیکن قریه سنده مقیم بویاجی اوغلی عثمان اقدی بینده محدث دعوایه دأر کنغری بدایت محکمه سندن ۱۵ حزیران سنه ۳۱۴ تاریخچی و قرق عددی ایلہ صادر اولان اعلام مزبورہ کذب خانون طرفدن تمیز اولمغله اعلام مذکور طرفینک اعتراض و جواب لایحه لریله بالمطالعه تدقیقات تمیزیه اجر اسنه ابدار اولندی

اعلام مذکورك خلاصه مالی مومی الیه عثمان اقدی قریه مذکوره نك کوی اوکی نام محله کأن متصرف اولدینی برقطعه ترلانك ثلث حصه سنه مزبورہ کذب خانون مداخله ایتمکده اولدیغندن بحثلہ مداخله واقع نك معنی طلب و دعوی ایتسنه قارشو مزبورہ کذب خانون دخی مذکور ترلا پدری متوفی ابراهیمی اوغلی احمدك مستقلاً تحت تصرفده ایکن اوچیوز سنه سنده وقوع یافته مبنی کندوسیلہ همشیره لری فاطمه و مریمه انتقال ایدوب همشیره لری دخی حصه لرنی کندوسنه فراغ ایتلریله اول تاریخدنبرو مستقلاً کندی عهده سننده ایدوکنی مدافعه

درمیان ایدلسی اوزرینه جریان ایدن محاکمه و تدقیقات نتیجه سنده منازع فیه ترلایی اون سنه بی متجاوز مدتدن برو مومی الیه عثمان اقدی تصرف و زراعت ایتمکده اولدینی استماع قلنان شهودك شهادت لریله ثابت اولدیغندن و کوریلان لزوم اوزرینه لدی الاستعلام مذکور ترلانك زلیخا نام خانوندن تفرغاً مدعی عثمان اقدی عهده سننده مقید اولدینی و بیان اولسان موقع و حدودك دخی موافق قید ایدوکی دفتر خاقانی مأمور لغندن جواباً بیان و ازبار اولمغله کیفیت مدعا معمول به قید رسمی ایلہ ثابت و بناء علیه مزبورہ نك وقوع بولان ادعا و مداخله سی برکونه دفتر خاقانی سنندی و قید رسمی به مستند اولیه رق فضولی اولدیغنه بناء مزبورہ نك ترلایه واقع اولان مداخله سنك منعه حکمدن و مستدعی تمیزك اشبو اعلام علیه نده لایحه سننده محرر اعتراضاتك باشلوجه سی منازع فیه ترلایی مزبورہ زلیخادن خصمی مومی الیه عثمان اقدی ایلہ برادری عمرك تفرغاً متصرف اولدق لری بیان اولنیور ایسه ده مذکور ترلایی مزبورہ زلیخا اساساً کیمدن تفرغ و نه صورتله متصرفه اولدینی بیان اولنیوب الحق دفتر خاقانی مأمور لغندن و یریلان جواب اوزرینه قید مزبور مضمونیه عمل

ایدیلهرك اولوجهله حکم اعطاسی یولسز و مغایر و مخالف اصول و قانون اولدیغندن بحثلہ اعلام مذکورك نقضی استدعاسندن و مدعی علیه نتیجه جوابی دخی اعتراض مذکورك غیر وارد اولدینی بیانیله ردی و موافق قانون اولان اعلامك تصدیقی طلبندن عبارت بولمشدر

ایجابی مذاکره اولندقدہ اعلام مذکور مندرجاتندن منفهم اولدینی اوزره مستدعی تمیز کذب خانون منازع فیه ترلادن برقسنه ارثاً و دیگر قسمنه دخی همشیره لرندن تفرغاً اوچیوز اوچ سنه سنندن برو تصرف ایتمکده اولدینی بیان ایتسنه نظراً بوبابده کشف اجراسیلہ مذکور ترلانك کیمک طرفدن تصرف اولمقده اولدینی حقنده تدقیقات مقتضیه اجرا ایدلک لازم کلورکن بویولده اجرای معامله ایدلیهرك دفتر خاقانی مأمور لغندن مورود جوابنامه به بنای حکم ایدلسی یولسز و مخالف قانون اولدیغنه بناء اصول محاکمه حقوقیه قانونك ایکوز قرق برنجی ماده سی موجبجه اعلام مذکورك نقضه و قانون مزبورك ایکوز قرق دردنچی ماده سی حکمنه توفیقاً کیفیتك بالرؤیه اعلامه ربطی ضمنده محکمه مذکوره اعاده سنه و مستدعی نك فقر حاله دأر علم و خبر اولمغله قیدیه و تبلیغیه و صورت تبلیغ

خرجلرینک عفو یله زبرده مفرداتی مرقم ایکوز
یکرمی اوچ بچق غروش مصارف سارمک
ایلروده حقسنر چیقہ جق طرفہ عائد اولق اوزره
اول امرده مستدعیہ تمیزدن استیفا سنہ ۵ نیشان
سنہ ۳۱۵ تاریخندہ متفقاً قرار ویرلدی .



اعمال

اوچیوز اون درت سنہ سی نیشانک اون
طقوزنجی کیمہ سی ساعت الی قرارلرنده شیشیلیده
قاتا نامیله معروف اولان غازینوی قصداً احراق
ایلدکلری ادعاسیله مظنون علیهما اولان مذکور
غازینو مستأجری اوزونجه بویلی طار التلی الا
کوزلی سیاه قاش وصاج وبقی بغدای بکزی
انچالو حالبا واورته بویلی آچیق التلی چاقر الا
کوزلی صاری قاش وصاج وقرال قیر بقی
بغدای بکزی ماهات قاتا قرار ایللرندن وحقلرنده
اجرا اولنسان تحقیقات اوزرینه هیئت اتهامه دن

جنایتله اتهاملرینه قرار ویرلمسندن ناشی اصول
محاکات جزائیہ قانوننک اوچیوز یتیش برنجی
ماده سی موجبجه معامله مقتضیه ایفا و محاکمه
غیابیہ سی بالاجرا قانون جزانک یوز التمش
اوچیوی ماده سنہ تطبیقاً مؤبداً کورکه قوللرینه
واوتوز برنجی ماده قانونیه منظوقجه حقوق
مدنیہ دن بالاسقاط ماللرینک حجزینه محکمه
جنایتدن حکم اولتمش و ذکر اولنسان اصول
محاکات جزائیہ قانوننک اوچیوز یتیش یدنجی
واوچیوز یتیش سکزنجی و اوچیوز سکسان
برنجی ماده لريله مواد سارمسی احکامنه توفیق
معامله اولنسی مرجعه بیلدیرلمش اولغله اعلان
کیفیه استدار قلندی .

۱۱ صفر سنہ ۳۱۸

۲۸ مایس سنہ ۳۱۶

